

志善政

賦役既定清理為先其間利所宜興弊所宜剔凡因利而乘便法今以傳後規則烏容不立乎是以墾奸去蠹因革損益之餘口碑交頌一時利賴永垂萬世故志

申詳清丈

按誌載通城民刁糧欠然非刁也則壤定賦先王畫一之式萬世無弊自世代遞更經界紊而井地

不均民之田地塘畝不清甚至有斗田斗糧者又有有田而無糧者逋欠豈盡編氓哉無糧者恣其墾卸糧多者輸將莫措耳從前之有司皆莫能墾滌焉萬曆九年知縣臧石具文申請

兩院題奉

聖旨清丈全楚而通城田分二則其承源水泉水者為上中則上中則每畝派秋米肆升九合七勺其承天水塘水者為下則下則每一畝五分析一畝由是阡陌町畦毫不混淆錢糧樂輸

國民獲利

惠民不費

按舊通民止知春耕不知秋種墻桑之利且憮然
止知養鵝鴨雞牲及猪牛馬不知養羊萬曆九年
知縣臧石因清丈遍歷三鄉見不種蕎麥樹桑不
養羊者隨出示諭民曰爾通民不鋤者不種不喂
者不養何癡蠢若是因而民漸種蕎麥樹桑養
山羊樂利魚窮

條編輸納

通城縣志

卷之三

按舊時錢糧起撥存番照依倉口逐項差人下鄉
徵收差人不啻紛擾比較不勝繁瑣萬曆二十四
年知縣趙廷侯申詳

兩院列一條編每秋糧一石派銀六錢三分立定比
期追徵令一十五里納戶俱於儀門外投櫃入庫
起撥者按季起解存番者按數支給

字總便民

通城起解之差繁難有四一則解批給一則解商
糧一則解漕糧一則解條編舊例每年一十五

過北編起解每里一甲朋差南糧及條編其起
解亦知之萬曆二十四年里人經歷鄭一元羅欽
誥黃仲賢條陳知縣趙廷傑申詳

兩院每石秋糧每一則追徵空總銀三分以為收解
之費北編發正銀買絲在募機戶造成貯庫空總
亦貯庫三年一給朝覲官吏常解掣批回銷南漕
米每年每里一甲里長執簿收米八月初一開
徵完日庫發解運或上倉或充軍俱係官名名曰
官收官解條編銀每年每里一甲里長執戡簿稱
收合封入庫永終官親詣省謁見

上司徑解府者見府即投文交兌次日辭謝領批轉
解者見府投文次早仍見領文轉見司道交兌
領批臨回辭謝換縣批存案由是民心樂輸幸免
追呼之苦間有差下縣者今日投票次早回文隨
發飯米乾菓及草鞋店資之類計日而給分付出
城不令羈番滋擾遠者隨具文中報本衙門

院司道府無不禮重通省馳名

革富民馬

按舊走遞馬疋報富民有馬者各應每遇上司差承及本縣差遣該長馬者給工食銀一兩二錢票一個送某富民折錢糧出長馬應付該中馬者給工食銀六錢票一個送某富民折錢糧出中馬應付該短馬者給工食銀三錢票一個送某富民折錢糧出短馬應付雖然銀於庫內給馬自富民出差可相當但有馬有夫之富民尚不見損而衣食略豐有夫無馬之富民僉報實受其害萬曆三十七年知縣楊浩出示禁革不用富民走遞着令一

十五里當年里長每里報馬頭一名每里發庫脚馬銀一十二兩買正馬一疋副馬一疋各應設一管馬皂隸置一長中短馬格簿十五里列拾五格分別之或長或中或短一里撥一疋如輪轉為自是完美者悉享其利即始有者亦不如其苦矣特志

均平糧差

按明制通縣一十五里每里十甲萬曆九年知縣臧台奉文清丈大得通縣秋糧一萬二千乙石八

十一石三斗四升四合五勺均分一十五里每里
八百一十三石一里十甲每甲八十一石三斗十
年一收解條銀之差十年一收解南漕之差明季
知縣推收未嚴泐糧里書任意收除奸棍富豪瞰
臨當差先一二年分賄同里書推半存半闌入當
過差徭甲內立戶甚有全戶隱匿當過糧差仍立
本甲以致有一甲不滿四五十石者甚有不滿二
三十石者又有多至一百餘石者徃徃糧少甲分
詞告消乏計畝卸差下甲下甲又告不係該年不

服承帶沿習成風流弊莫砥順治七年知縣盛治
察知此弊遂出示均平先着總散里書清造花名
糧冊一十五本交衛查勘查出某里少糧若干不
合縣總某甲少糧若干不合里總夫法立而弊從
生焉里書隨立詭名湊足額數知縣盛治洞若觀
火又出示清審丁糧着老人一原差喚集通縣士民
每日清審一里逐名對質勺合不敢隱匿糧得清
其既清之後從公均平東多益寡將次年應當差
里甲之多糧撥補次年該當差糧少之里甲其已

當過差之里甲糧多者則撥入三四年後輸差糧
少之里甲糧既得平民鮮重累且又額定糧數即
有買賣止許本甲收除不許過割游移久矣畫一
之規洵哉久遠之利

剔收除弊

按明制五年一次造稅契糧許過里三年一小造
止許過甲雖然有等奸民臨差假立契券作絕賣
作承糧巧將一二錢之稅銀以免當年之重費致
當事者稽察不密里書借端此有除而彼魚收隱

吊鯉 國彼有收而此魚除重派瘡民

國朝知縣盛治灼知此弊凡有買賣不許擅過里甲
止令於賣主項下除糧立戶其十年正辦買主接
年計美驗糧承當前差仍屬賣主如是則買賣承
糧不能借隙隱吊重派魚復生端從前莫破之奸
實從茲杜矣 國民並福

定法催徵

按通城舟楫不通艱難措辦向未加長每四或五

名或八名至十名督催其年一七

明季知縣朱序讓天啟四年在任謂戶長名數雖多魚統難追出示編立每甲甲總一名云簽點糧麥者總攝催徵於以表式細戶一月兩比以十人共有之責任統歸之一人其純良戶長每隨甲總應比刁頑者與原差均得優游偷閒澳利錢糧亦仍拖欠夫甲總之立原以慮積逋而期輸納但勢苦難行意則甚美而法或未盡宜也

國朝知縣盛治詳鑿此弊每甲秋糧八十一石三斗不用老人開報得存樹糧簿親點糧多者十名為

戶長每戶長管催秋糧八石一斗立為每月一限每限足一兩者免人應比不足者添差拿所欠納戶二月初開徵款月則停直待穀登方行開限士民咸服糧餉樂輸

除革陋規

按明季萬曆四十五年間戶書續林小甲周自勉以舊例獻諛本縣遂設立陋規每里櫃收頭承管各票取供堂二兩馬頭承管取印烙二兩里長解糧小船運至大河鎮口交上大船取打掃官房

小茶飯及長夫斛面種種名色剥取小民習久成例後令以為固然

國朝知縣盛治庚寅年到任吏書仍進此規投筆叱曰供堂何解斛面等項何因左右凜然不敢應聲即出示概行禁革收糧則照京頒擡斛較正斗平盪量收不許淋尖踢斛板銀則照司頒法碼較正釐戥納方同櫃頭面彈技匣置羅一面於儀門敢有重收者許受害小民鳴鑼稟究革弊愛民當代樂只

重建文廟

自兵燹以來黌宮盡已灰燼並無片瓦寸椽知縣毛鍾彥蒞任首為設法經營獨俸重建廟貌聿新俎豆生色

廣額生童

人才與文運相關通城向係小學進取數罕知縣毛鍾彥考選時原以中缺除授到任後即為具呈申請督學道蒙准具疏

題請准改中學人文蔚興士子鼓勵

修緝城垣

昔年獻賊入境蹂躪城垣悉皆傾頽知縣毛鍾彥蒞任設法修理周圍完整屹然有金湯之固士民始得樂業安居群歌孔道

招撫市民

兵火屢經市房盡被焚燬百姓竄處山谷不肯入市治平雖已多年民居寥寥鮮少知縣毛鍾彥親往鄉間勸諭曲意安撫陸續招徠居民遂爾稠密始成市井

創造監舖

監舖傾廢已久前任以民房為獄牆室卑隘穢氣逼侵人犯每多致病知縣毛鍾彥措處建造一仍舊址創立新房廣其前制規模始覺大脩

代輸優免

文廟鼎新諸生好義者咸願以優免銀樂助共計有捌拾壹兩貳錢伍分交納教諭別仲茂主其出入蚤暮經營賢勞允著故得不日告成適是年奉文優免銀兩裁充兵餉盡入條編諸生向實慕義

堪復與追徵知縣毛鍾彥甘心蠲俸仍將前項樂
助銀查登庫簿作正支解士林歡頌